

周
中
丞
疏
稿

江南疏稿卷之四

臨川周孔教明行父著

屬吏

陳以深

全校

重地按臣久缺懇乞亟賜簡用

為重地按臣勢難久缺懇乞

聖明亟賜簡用以重地方事臣惟巡按御史被繡
持斧出按一方凡抑強扶弱滌冤信枉繫皆
其責誠不容一日缺者乃蘇松按臣自萬曆
三十五年二月內楊廷筠改差督學候至九

月始奉

俞旨以雲南巡按周懋相改差地方引領誠不啻
大旱之於雲霓詎意阿克見告而懋相仍留
彼中矣夫滇南

皇上之南鄙也一夫發難屠城挾印

允留按臣以資彈壓是按臣關係地方甚重惟是
蘇松乃

國家根本重地財賦名區濱海帶江寔為要害
年來災患頻仍生理蕭索災異疊見意外可

虞所與臣同心協力消弭彈壓者緊按臣是
賴今按臣久缺諸務停滯需人為急臣亦知
此時臺中差代乏人但近吏部考選諸臣待
命日久懇乞

皇上俯念地方之重速賜

俞允并

勅都察院亟為題差嚴限前來任事庶風紀得人
而重地有賴矣緣係重地按臣勢難久缺懇
乞

聖明亟賜簡用以重地方事理未敢擅便為此具

本專差

齋捧謹題請

旨

急缺督學憲臣疏

為急缺督學憲臣乞

賜推補以重

大典事萬曆參拾肆年正月十一日據應天府句
容縣申蒙提督學校巡按黃御史憲牌照得
本院接得家報有母周氏於三十三年十二
月二十九日酉時在家病故合行知會仰縣
官吏即將本院丁憂緣由馬上差人申報撫

院照例

題報等因轉申到臣該臣看得

南畿乃人文極盛之地而督學係地方喫緊之官御史黃陞考校公明士心悅服場事正迫忽爾聞憂惟是地方遼闊時日不多科場在邇勢難久缺既經該縣申報前來相應具

題伏乞

勅下該部院將前員缺亟行推補疏名

上請速令前來任事庶校士得人而

大典無悞矣緣係急缺督學憲臣乞

賜推補以重

大典事理未敢擅便為此具本專差舍人黃習齋
捧謹題請

旨

重地監司久缺亟 賜銓補疏

為

畿輔重地監司久缺懇乞

聖明亟賜銓補以便責成以奠疆場事臣撫屬徽
寧一道統轄徽寧等六府州兼管向容等外
六縣地廣任重先是道不乏人議者猶謂道
里遼闊書策稠濁各差承應東奔西鶩日不
暇給當另添一道佐其不及况今併一道且
無之又缺且久也蓋自該道右叅議林汝詔

京察離任迄今八越月矣百務廢弛一切停
閣臣不得已將道務暫寄郡守兼攝而池州
府知府章克相以物故去近又改委徽州府
知府梁應澤矣雖攝篆暫委有人而代庖終
是不便兼之地方多事各邑告災水旱相仍
民不堪命臣又欽奉

明旨移鎮蘇州地方相距遠者三千餘里雖鞭之
長不及馬腹所以安輯而彈壓者惟該道是
賴今久缺不補機務壅滯萬一饑寒之後揭

竿而呼姦雄乘之隨地響應料理無人何以
應卒臣厯考往牒自漢唐宋以來凡遇丙午
丁未之年未嘗無事厯厯可驗臣一念及終
夜不寢可為寒心以故臣竭駑馬之力凡一
切練兵積穀弭盜防姦朝夕兢兢求不負

任使但多艱多故之時非一手一足之力所需道
臣甚亟臣是以謹會同巡按御史曹楷冒干
天聽伏乞

軫念徽寧兵備道屏翰

陪京錯繡江浙關係甚重

亟勅吏部速選才望具疏

請補仍乞嚴限勒令前來受事庶彈壓得人而地方有賴矣緣係

畿輔重地監司久缺懇乞

聖明亟賜銓補以便責成以奠疆場事理未敢擅便為此具本專差

齋捧謹題請

旨

郡守久缺乞 賜速補疏

為郡守懸缺日久勢難再緩懇乞

聖明俯賜速補以重要地事臣惟郡守古稱二千石以平訟理民之得安其田里而無愁嘆之聲者端必賴之况鎮江府濱臨大江拱護

陪京係浙直之咽喉為三吳之門戶自古戰爭之場實奸雄窺伺之地此何等緊要地方郡守可久缺耶查得該府知府許國誠自萬曆參拾壹年拾壹月內入

江表志卷之八
三
覲離任患病回籍堅意乞休已經前撫臣曹時聘
按臣馬從聘會疏具

題計懸缺殆二年矣夫論郡守關係之重即僻
地且不宜虛矧衝劇如鎮江乎論鎮江險要
之地即暫缺且猶不可矧遷延已二年乎二
年之內攝符屢易事務廢弛臣萬不得已茲
且寄符於鄰郡矣代庖已為權宜借鄰尤為
不便兼之今歲災侵元元告苦拯溺救焚急
在目睫和輯彈壓惟郡守是賴今懸缺不補

料理乏人臣厯考丙午丁未之年未嘗無事
萬一變生意外不可收拾可為寒心臣叨守
封疆覩此景象誠有不能一息安者謹會同
巡按御史楊廷筠冒懇於

皇上之前伏乞

俯念鎮江係濱江要地郡守再難久缺

勅下吏部亟為推補仍乞嚴限勒令星馳前來任
事庶災民有更生之望而重地無意外之虞
矣緣係郡守懸缺日久勢難再緩懇乞

聖明俯賜速補以重要地事理未敢擅便為此具

本專差

齋捧謹題請

音

議留賢能方面官負疏

為議留賢能方面官負以重保障事照得常
鎮二府為

留都之鎖鑰浙直之咽喉居常之兵賦最費調
停近日之妖亂尤資彈壓乃若該道右叅政
蔡獻臣莅任以來允文允武厯注可垂久遠
天公矢慎操履無媿神明閭簷愛戴最深江
海烽烟盡息真三吳之保障一路之福星先
據地方人情惟恐任轉他省向臣乞留臣竊

計本官考滿在近欲俟其考滿之日方具疏
上讀

天聽保留加銜不意頃接邸報該吏部推陞廣東
按察使雖未奉

俞旨然一時人心惶惶惟恐

新命即下挽留後時比臣正東巡海上遮道乞留
者不絕於路如各學生負邊愷颺陸卿正馬
希伊高拱極王承冠俞鴻漸丁鴻漸王干城
等各屬鄉耆糧里郁壽恭薛旦楊秉忠蔣綵

章錦周雲夏惟寅吳洪朱京等各營衛官軍
程大受田元宰沙志元韓良貴蔡承勳余文
忠方元成祿許方揚麟許應忠祝天元劉沐
等群口一詞惴惴恐失此足見以澤及人之
深矣臣竊惟最難得者氓民之心最可惜者
已成之績今本官治效有成衆心胥協況當
多事之日委宜久任以竟其用第煩難之地
人情或不樂久居臣為地方計不能復為獻
臣計伏乞

皇上俯鑒輿情

勅下吏部查議覆

請將叅以蔡獻臣加以新陞職銜仍管常鎮兵備糧儲道事庶本官有駕輕就熟之便地方亦省送往迎來之煩臣幸甚地方幸甚緣係議留賢能方面官負以重保障事理未敢擅便為此具本專差

齎捧謹題請

旨

代題終養疏

為母老身病不堪供職懇乞轉達俯容休致
以全子道以保微生事萬曆三十四年十月
二十九日據整筋蘇松兵備兼糧儲水利右
叅政楊洵呈稱職由萬曆二十年進士初選
南京刑部主事歷陞今職夫以一介州茅幸
遭榮遇雖復捐糜此身豈足報稱萬一即生
平砥礪謂何亦豈肯自甘廢棄以重負

明特惟是職有老母今年八旬有二向職從江北

叨轉時母憚南行職即奉母北還實欲為乞
身計而職母強之赴任黽勉就道實不自安
抵任以來鬱鬱無聊常夢寐思歸寢食不寧
加之水土不服積勞已久遂苦脾病眩暈時
作嘔吐不已然猶以胞兄尚在可從容圖歸
不意近接家報兄於九月二十六日病故職
一聞報五內併催百念俱灰夫以垂老之母
當此家變必不能堪而職搖搖於二千里外
旦夕莫必職非木石遭遘若此且不可以為

人尚可以服官乎坐是嘔暈大作前疾復劇
此豈藥餌所可療治若不急請罷歸則徒斃
軀命於地方何益乎伏乞俯垂矜憫察職迫
切至情原非假託別無規避亟賜轉

題容令職回籍庶幾子母相依為命母得以終
天年職亦可以安心調理或不至遽填溝壑
等因該臣批開該道斗山重望冰玉清操地
方倚之為福星列城視之為繩準士民攀卧
方切世道仰藉正殷柰何遽動冥鴻之想幸

為地方勉留此繳慰留去後隨有蘇州府衛
等衙門呈為懇留東南屏翰以安地方以慰
百僚事又據鄉宦士民屢揭請留間至本年
十二月初八日又據該道呈同前情乞賜速
題早得回籍等因臣又批開士民攀留之情不
啻孺子之慕父母願該道為士民勉留况資
望已深遷轉在即倘或北轉迎養尤便幸勿
遽動歸念此繳本月十八日又據該道呈稱
職以母老身病急請回籍實出萬不得已伏

蒙本院多方慰留職非木石敢不仰體但近日以來憂思鬱結病勢轉劇一切事務俱不能料理既以重為地方悞而歸念內紫責任外牽病愈不可治是身與地方兩受其病也此寧可一日安者伏乞軫念職病非藥餌可療地方重務非卧病可理急為允

題使職得早離地方則可安心調攝而地方事亦不致稽悞重職之罪矣等因該臣會同巡按直隸監察御史楊廷筠看得兵備叅政楊

洵岳鎮川濔麟仁鳳彩正直以肅法紀而弊
絕風清公端以東吏民而大廉小畏若錢穀
若刑獄事事精思肯綮無不畢照如戎伍如
海防在在振刷神采為之一新自縉紳以至
小民無不推為怙恃由文吏以及弁士莫不
仰為準繩方共倚地方之長城亦且佇他年
之節鉞不期思親感疾屢牘乞休士民聞之
徬徨奔走臣等不暇為本官惜而深為地方
惜也再四慰留去志益決查得吏部職掌一

方面官負患病乞休撫按具

奏才力可惜者量擬病痊之日撫按奏

請錄用本官事例正合伏乞

勅下吏部查本官患病果真情無假託照例題

覆准其回籍調理但本官聲望甚隆年力正壯乞

開深為可惜合無病痊之日聽彼處撫按保

薦赴用遺下負缺係邊海重地難以暫虛并

勅吏部速選才臣銓補勒限前來庶臣子至情獲

伸而地方保障有賴矣緣係母老身病不堪

供職懇乞轉達俯容休致以全予道以保微
生事理未敢擅便為此具本專差

齋捧謹題請

旨

乞留入 覲官負疏

、為乞留入

覲官負以保重地事臣惟朝

覲者述職之大典

奏留者變通之微權故三載計吏萬國朝
宗而至於地方事情重大仍聽其臨期酌量

奏留蓋一以察吏治一以安民生兩者並重

廟廊之意甚深遠也頃先據臣屬蘇松常鎮二道
議將沿江沿海各縣應留入

覲正官職名緣由詳報前來已會同蘇松按臣楊廷筠具疏題

請外臣又會同巡按直隸監察御史宋燾查得寧國府知府史起欽見署徽寧兵備道事該道自叅議林汝韶京察去任缺官已久署道事者或以陞任行或以丁憂事故去屢更未定事務多壅當茲防江防曠之時一切兵馬錢糧全藉本官為之整理且時值

大計府縣正官俱以入

親赴京而本官復與各官同

觀七府州之政務綜理無人似非完策太平府知府王之考既因病乞休署印推官胡世蔭自應代

魏第該府同知劉斯原劣轉已去通判徐致和齋捧未回該府濱江重地止存推官一人守郡視事實難遠離此二臣者正部文所謂地方事情重大應從酌量

奏留者也伏乞

勅下吏部覆議

上請如果臣等所言不謬將寧國府知府史起欽
太平府署印推官胡世蔭免其入

覲唯留在任管事其一應本冊在寧國府責令年
深佐貳官帶同首領官吏齋赴應

朝在太平府念該府別無一官可代止令首領
官吏齋赴應

朝庶

畿輔要地經理有人而緩急可恃以無虞矣緣

係乞留入

覲官負以保重地事理未敢擅便為此具本專差
齋捧謹題請

旨

酌議免 覲正官疏

為酌議免

覲正官以安地方事據蘇松兵備兼糧儲水利右
叅政楊洵呈奉臣案驗准吏部咨照得萬曆
三十五年正月初一日天下諸司官負又該
朝

覲之期所有合行事宜相應遵照備咨前來仰道
即行所屬一體欽遵內款開一未朝官負俱
儘正官如正官缺或新任未及三月方許以

次佐貳官不得越次除地方事情重大不可
一日缺正官者聽臨期酌量奏留不得聽其
托故偷安妄行奏免等因奉此又奉臣批據
常熟等縣耆民糧里朱訥等各呈正官免
將應

覲應留官負職名緣由開報前來該本道看得三
載述職乃計吏

大典郡邑長吏自應如期入

覲惟是地方一切事務全賴正官料理而險要之地其關係尤重錢穀之數其倚辦方殷故每於

覲期量留一二以為地方計誠非得已也卷查三十一年朝

覲曾議留太倉長洲吳江上海青浦五州縣正官今三十四年復當入

覲之期除太倉州見缺正官其蘇松二府并長洲吳縣吳江崑山嘉定華亭青浦七縣知府李

右諫蔡增舉知縣關汝善曾汝召秦聚奎王
時熙吳道長熊劍化金玉節俱應照常入

覲免議外如常熟襟帶江海盜出沒巨寇之黨
羽未殲隱憂尚在宗明浮漚海中四面受敵
一時之風汛巨測戒備宜嚴上海內連巨浦
外枕大洋饋餉不繼奸弊難刷此三縣者均
吳中要害迥於他縣不同所需正官殫歷其
知縣耿精劉孔棋李繼周均當循例議留伏

乞會

題候明文至日行各掌印官免

覲者將一應本冊責令佐領官吏代為齎

奏仍令各官在任盡心宣力益殫忠猷應

覲者至期即便離任毋容逗遛致淹

計典庶

明堂之殿最躬承有人而

畿輔之保釐可幸無事亦兩全之術也又擬常

鎮兵備兼糧儲水利右叅政蔡獻臣呈奉臣

案驗亦為前事遵行常鎮二府議詳前來該

本道看得朝

覲鉅典原不容輕議但地方險要時事艱難非正官不能彈壓故有議留之例查得三十一年常州府及丹徒江陰各正官俱蒙

題留而鎮江府及武進宜興靖江丹陽金壇俱應

朝遵行在卷今查常鎮二府上接長江為
留都之鎖鑰下連大海為浙直之咽喉兼之連
歲旱災近復浙海報警又兩府正佐尚有未

到未補者若各長吏盡行離任不惟地方無所倚賴亦且署篆乏人據兩府之議從速裁之請再為酌量清江江心撮土四面築壘盜易乘丹徒地繞諸山城臨天塹水陸衝要以上二縣俱藉正官調劑而知縣朱勳張才地相宜所當留任者也除鎮江府知府未到其常州府知府王述古武進無錫江陰宜興丹陽金壇六縣知縣倪承課林宰余士奇喻致知韓萬象涂一棟相應照常應

朝者也伏乞本院裁酌會

題候明文至日行令免

覲者詳委佐貳首領官吏代為齎

奏應

覲者休朝無任以聽

計典廢行者遂臣子之職事留者保

天子之封疆各宜效忠皆以為

君為民也各等因到臣該臣會同巡按直隸監察

御史楊廷筠看得三年入

覲

國家重典也法嚴考績固當循例以修述職之儀誼切朝

宗尤貴遵期而隆肆

覲之禮非地方有急豈敢輕留而所在有司執肯甘為所留者惟是蘇松常鎮四郡北枕長江東連大海西控太湖三面巨浸豨為澤國論形勢

畿輔之門戶浙直之咽喉論要害財賦之奧區

江清所系
盜賊之淵藪兼之連年災祲採權未停人情
習僣而易為奸

國課任頑而逋益甚在在思得正官以資撫馭
環向乞留勢難槩允臣等謹遵

明例再三酌量除例應入

覲及事體稍緩地方聽各官照常應

朝鎮江府知府新補未任太倉州知州久缺未
補例應佐貳官代

覲不敢開塵

聖覽外如崇明孤懸海外靖江牙峙江心強寇之
嘯聚無常盜徒之縱橫罔忌劫掠過往拒傷
官兵二邑為最常熟當劉河海口雖知縣耿
橘力剪大盜薛朴就擒餘黨猶在梟杭上海
慶黃浦要衝近舟山有警本地正為切鄰丹
徒則南北通津數千糧艘盡由京口驗放往
年節蒙留任此五縣者俱係江海要地似應
保留又各府同知等官未補未任與公差事
故見缺十員至期正官通行即分委署篆寥

寥乏人此亦不可不預慮者查上次四府共
留七員今即不敢比例所據五縣正

明例所謂地方有事不可一日缺正官者相應具
題伏乞

勅下吏部再加查議

上請如果臣等所言不謬將常熟縣知縣耿楮崇
明縣知縣劉孔祺上海縣知縣李繼周靖江
縣知縣朱勳丹徒縣知縣張孝照例准留在
任供職一應本冊仍今年添佐貳官帶領吏

典親齋應

朝庶行者供

王朝之玉帛而啟處不違居者守

天子之封疆而責成有寄無非為

上為民自靖自獻而來罔之誼固圉之策兩無所

妨矣緣係酌議免

觀正官以安地方事理未熟權便為此具本專差

齋捧謹題請

旨

乞留縣正官負疏

為乞順民情

俯留縣正官負以蘇疲困事據應天府府尹徐申
呈據江浦縣民滕世選等連名呈稱本縣極
衝極疲加遭連歲荒歉十室九空逃亡過半
民甚倒懸幸賴田縣官洞悉民隱殫竭心力
多方撫字疲民更生仁心善政難以枚舉忽
然改調鹿邑闔縣士民無不驚駭甚於孩提
之失慈母况大荒之後正在仰望撫綏為急

先經控告蒙諭未見虛的見今邸報已至臨
新任甫臨民間疾苦未易周知關係重大民
情伏乞軫念衝殘重遭災歎地方俯賜作主
幹旋保留以慰人心以安民命又據生負毛
輔卅等呈為乞智廉能提調以安地方以慰
士民事江浦邑衝民疲頻遭荒旱夫馬供應
日費不貲即豐熟尚難支持矧災傷何由調
劑近賴田縣官蒞任以來約已惠民加意卹
省地方始獲安靜民困緣此漸甦雖遇全災

幸免流殍且胥隸禁止差遣閭閻不擾於道
呼拊揚但設弗施遠邇共歌其仁恕門如市
心如水清廉擬秋月水壺溫如日肅如霜威
愛敷民懷吏畏校文課士每諄諄於道義之
勉旃蠲賑濟民尤惓惓於孤窮之軫恤茲當
官績甫成正屬瞻依彌切忽聞改調緊邑驚
惶仰乞洪仁俯從衆望特為轉達保留等情
各具呈到府看得江浦當衝疲之邑兼值災
傷之後自知縣田墾莅任以來真心任事惠

政宜民孔道彈力應酬廢務從頭振刷作牧
已幾三年頌聲如出一口忽聞調任士民皇
皇如失慈母合詞赴府專乞保留民情如是
勢不容拂且當斯栽種之時亢陽為虐民且
狼顧見行祈禱撫綏安輯尤有一日不容離
本官者仰祈會

題留任俾其益殫猷為惠此疲氓地方幸甚等
因到臣據此該臣會同巡按直隸監察御史
宋燾看潯江浦縣案通

留都館南北之轂而當水陸之衝冠蓋如織杼
袖已空加之迫近江洋實盜賊出沒之所災
傷薦至又地方艱難之時邑雖小而地實重
也地既重即小猶煩也自知縣田墾菴任以
來苦心調劑殫力拊摩如理亂綵竟而有緒
若一旦調去譬如絃方調解而復更之即有
繼任未必卒諳其俗而地方之民亦未必卒
孚其心此士民皇皇如失踵辰門而泣留者
日不絕臣詢之該府深以為寔齷者也臣故

竊以為留任便在本官駕輕就熟既得以竟
未盡之施在地方送故迎新又免絲紘之擾
即舍大就小於田墾亦或不便臣為地方計
不得為田墾計耳故不敢不代懇於

君父之前伏乞

俯念江浦雖小實係要地

勅下吏部覆議

上請俾得再任以究所施如其終不副始有負地
方則

朝廷有三尺在臣不敢庇若賢勞愈著破格優
錄遺下鹿邑縣知縣負缺或另行銓補其新
陞江浦縣知縣陳九職或查相應別缺免其
赴部徑為改用庶一轉移間而良牧得竟厥
施災民不失所望裨益地方非淺鮮矣備行
臣等遵奉施行緣係乞順民情

俯留縣正官負以蘇疲困事理未敢擅便為此具
本專差

齎捧謹題請

旨

議留邊海極要將官疏

為懇

恩俯允議留邊海極要將官以備防禦事據蘇松
兵備兼糧儲水利右叅政楊洵呈稱近奉部
文以金山叅將鄭印量加副總兵職銜調管
湖廣黎平叅將事奉有

成命似無容議惟是近據松江府申奉本道批據
金山監營目兵選鋒衛龍祝希明等呈為懇
留廉能主將以防寇盜以固邊圉事又奉批

據金山衛左等四所旗軍陳忠表棠等呈為
懇留賢能主帥以保地方以貽永利事又奉
批據寶山營目兵何文奎趙武等呈為懇留
賢能主帥以固邊防重地事又奉批據金山
左等四所軍民耆老孔之宗項應龍等呈為
懇留真正賢能良將以固元氣以振神威事
俱奉批仰松江府查報奉此隨該本府知府
蔡增譽看得分守金山鄭叅將操持廉潔訓
練精嚴抵掌而談胸中甲兵最富奮身不顧

海上寇賊自消四載勤勞一方保障即軍士
今日保留之咸切知本官平時撫馭之得宜
况金山係衝險海防借寇庶幾永賴等因到
道該本道看得金山叅將鄭印廉勇善謀沉
深多智殄除巨寇村無鳴吠之虞保固信疆
波絕鯨鯢之警日者川沙之役惟本官奮臂
矯神鞭策群下擒剿兇醜及該總不善於軍
則顯列其罪狀而無少隱諱有擔荷直前之
氣無選輒觀望之習歷任海上已經四年不

江表身利
但險阻周知抑且兵民相信與其更用新官
未即諳習孰與就熟駕輕之為便與其往來
更調徒煩供億孰與久任責成之為逸既經
該府查議前來相應俯賜會

題准將該叅仍舊留任俟再有成績酌量陞遷
其原調黎平卿以新推金山叅將改補廩將
領不瀕更置而邊疆永有干城矣等因到臣
竊臣會同操江都御史耿定力巡按御史楊
廷筠巡江御史李雲鵠看得江南為

根本重地襟江帶海處衝險而金山坐枕海口
與倭奴僅隔一水尤稱門庭之守將領宸難
得人故金山安則內地諸郡皆安所關匪細
今海氣維息而倭情叵測加之海寇出沒窺
隙而動即去歲薛杅餘黨剽劫顧汝倫家其
盜首朱衣黃蓋鳴金張幟質汝倫而歸責取
贖金而後返之其飛揚跋扈公然於白晝之
中肆無忌憚如此臣乃檄鄭印擒勦印即攘
臂先登當時擒獲渠魁陸三等正法群盜始

散民有寧宇若印者無論諸善狀見諸兵民
保留呈中即是役也其功亦有足多者今薛
抃雜擒似聞海上奸雄如抃者不少兼之吳
中天鼓鳴占為兵象隱然有厝新之憂臣方
物色將材廣詢博訪以備一旦乃試而見効
如鄭印者又聽之去此所謂飛兔在櫪而方
且按圖以索之亦左矣稽之兵部題

准事例將官才與地宜者聽督撫官題

請加銜久任既經該道議詳前來臣等又博訪無

異相應具

題伏乞

勅下兵部覆議

上請如果臣等所言不謬將叅將鄭印以新加副
總兵職銜仍留金山照舊管理叅將事俟其
勞績丕著從優超擢以示鼓舞遺下黎平叅
將員缺或另行推補或即以新推金山叅將
改補廢人地兩宜裨福地方非小補矣備行
臣等遵奉施行

江南疏稿卷之五

臨川周孔教明行父著

屬吏祁承燦全校

盜犯越獄查叅踈虞有司疏

為盜犯越獄查叅踈虞有司以振法紀事據署徽寧兵備道事寧國府知府史起欽呈奉職批據太湖縣申報本年正月初一日夜強犯陳祖等十一名竊犯錢席坐一名鑿穿監牆逃走當即驚覺差兵緝拿

日捕兵在於四面尖地方拿獲強犯劉文
一名尚有強犯陳祖等十名竊犯錢席生一
名未獲緣由奉批獄禁不啻三令五申矣該
縣視為故紙漫不經心以致強盜越獄殊為
可恨仰徽寧道嚴究招解報又奉職憲牌仰
道即吊太湖縣監簿查監內囚犯共若干名
是夜穿牆逃去果否止是陳祖等十二名巡
捕官兵提牢吏緣何漫不嚴謹禁卒人等何
故不行防範以致疎虞查究明白速提失事

負役究擬招解其府縣印捕官照例作何議
處逐一查明詳奪以憑會

題等因到道奉此隨行安慶府究審招解去後
今奉節次牌催復經催據該府審招呈解前
來查據鄧金介招稱由監生選授安慶府太
湖縣縣丞管理巡捕事務節奉院道明文嚴
謹獄囚通行遵守外本縣監內有越獄在外
強犯陳祖等先在對後續獲監故強犯胡以
華等竊盜錢虎生等見監已未結強犯羅三

等人命囚犯馬思齊等拐犯余喜等共四十
八名向將人命囚犯收禁下監強盜囚犯收
禁上監輪撥吏禁民壯防守無異續有先存
今故犯人楊一貴竊盜主家財物事發收禁
在監胡以華錢希生日逐與伊飯食囑令出
監之日代備穿牆鐵鑿萬曆三十三年十一
月內楊一貴問杖出監全介於十二月二十
一日報陞貴州安壯衛經歷尚未離任照舊
管理巡捕本月二十六日楊一貴私將鐵鑿

一把假為胡以華送飯夾帶入監付胡以華
收藏禁卒陸梅不合不行防範至三十四年
正月初一日本縣胡知縣將倉庫獄務關送
全介護守即於辰時公出往府本日夜該刑
房吏石元嘉提牢上宿今縊死禁卒陳六宿
看強盜上監禁卒劉朝宿看人命下監民壯
方順等守宿巡更至晚全介不合不行躬親
點視石元嘉不合不行上宿劉朝方順等各
不合與陳六飲酒沉醉不行防範胡以華與

強犯余大七假裝肚疼哭告陳六求放棧餘
以便撒糞沈伊因醉遂將二盜肘桀踈放以
致胡以華余大七探各役醉濃睡熟將陳祖
與強犯汪什徐金漢王見川劉金赤郝大四
沈老漢徐柳劉文卷桀床開起鏢肘解放一
更時分同錢虎生用前鐵鑿它開磚壁土墻
至二更盡胡以華等十二名一同逃出俱從
北門小路奔走比羅三醒覺喊叫各役驚起
隨稟全介差兵捕拿未獲各盜行離城半里

許內劉文卷徐柳因瘡疾行走不及胡以華等遂分陣奔散去訖陳六見追盜不獲畏罪於縣前榜上自縊身死全介隨將各盜越獄事情報知胡知縣星夜回縣差兵四路緝拿至本月初五日在地名四面尖捕獲劉文卷到官監候胡知縣隨將越獄情由通詳去後本月初六日捕兵汪泮等緝追徐柳至英山界地名古方關閃伏茂林內喚集鄉兵圍住徐柳情急縊死樹上汪泮等叫同徐柳親兄

徐楓保正徐世勝認的解下身屍扛至城外
將情報縣隨該胡知縣親帶仵作徐章夥盜
劉文卷同監強犯羅三等驗認的係徐柳身
屍取結領埋外續蒙撫院於本縣申報由內
批行徽寧道嚴究招解又蒙憲牌備行本道
細加查審速報隨蒙本道備牌仰府一面審
究招解一面轉行挨緝間本縣將全介與石
元嘉方順等并監簿申解赴府查得監簿原
共輕重人犯四十八名內越獄強犯陳祖等

十一名竊犯錢席生一名除已追獲劉文卷
一名縊死徐柳一名實止在逃未獲一十名
審係正月初一日胡知縣公事赴府全介委
守庫獄石元嘉提牢不知加謹方順劉朝與
陳六等各因酒醉醺濃以致踈虞將全介擬
依提牢官不覺失囚者與獄官罪
同律石元嘉依獄典減獄卒不覺失囚者罪
三等律劉朝方順等俱不應事重律具招解
蒙署道事徽州府梁知府駁行本府覆鞫確

招解奪逸囚行縣上緊嚴緝等因蒙府遵行
覆審仍嚴行該縣差人分投緝拿去後劉赤
卷在縣監病故相埋訖本年四月二十三日
據該縣申稱遵差快手湯元等訪至霍山縣
地方捉獲原與胡以華等同夥照提趙以欽
口報同劉金赤等於正月二十四日夜夥劫
羅田縣地名脫腳嶺失主張大本家比夜殺
死劉金赤屍係失主掩埋隨經移文關取本
屍過縣責令劉金赤家屬劉金順及劉金赤

同夥盜犯劉香山等前去屍所驗實五月二十七日又據申稱本縣新任縣丞單日新帶兵彭六等緝至英山縣地名羊角尖未到窩主熊通家拏獲胡以華沈老漢仍于羅田縣地方未到窩主滕四家拿獲徐金漢各到官監候具文通行申報外隨蒙巡按宋御史將該縣申報前由批行本道嚴究緝拿間又奉撫院牌行本道嚴催俱蒙署道事池州府黃知府牌行本府行縣提審間揚一貴于本年

六月十四日胡以華于七月初十日各在
 監病故相埋訖復奉撫院節次行催該本縣
 遵依提解全介等到府審問前情明白其
 解道該本道覆審看得太湖縣監輕重囚
 數至四十八名其防範宜何如密也巡捕縣
 丞鄧全介提牢刑吏石元嘉當該府趙知府
 到任之日該縣胡知縣公出之時一則不知
 查點一則不入直宿以致直監禁卒劉朝巡
 更民控方順等乘此正旦俱入醉鄉陳六踈

放胡以華余大七二犯而胡以華余大七解
脫陳祖汪什等各犯蓋至一更而胡以華錢
虎生鑿垣之計成二更而十一強犯與一竊
犯越獄之計遂虎兇出柙若履無人使非各
役昏迷官吏怠惰奚至有今日也今胡知縣
追獲監故強犯劉文卷縊死強犯徐柳被殺
強犯劉金赤共三名矣新任單縣丞追獲監
故強犯胡以華見監強犯沈老漢徐金漢亦
共三名矣所未獲者尚有強犯陳祖汪什五

見川余大七郝大四五名竊犯錢虎生
也楊一貴陳六已故鄧全介石元嘉等分別
徒杖夫復何辭再查律例三名以上者任係
六名以上者調用十名以上者降級公事他
出者減見在王守一等今除竊盜錢虎生等
已獲強犯劉文卷等六名其未獲強犯實止
五名在趙知府于是日到任于是日失事
尚未視事似應免叅胡知縣委因他事公出
許同知亦果離縣甚遠但例難免叅俱應罰

俸鄧全介不知慎獄以致逸囚罪固難于末
減法尤宜于調任見監強犯沈老漢等行令
遠結未獲強犯陳祖等行令嚴緝將各犯俱
照府檄格呈到臣除將石元嘉等批行監候
發落應察官有候題

請明文至日施行未獲強盜五名竊盜一名嚴限
督緝去後查得問刑條例一款各府州縣掌
印巡檢官但有死罪重囚越獄三名以上俱
住俸戴罪勒限緝拿六名以上調用十名以

上降一級限三箇月以裡有能盡數擊獲者免罪若偶因公事他出致有疎虞者減見在立守之人罪一等兵備官係駐劄處所失事二次參奏罰治等因遵行外今據前因該臣會同巡按御史宋從江御史李看得圍圍所以拘禁罪囚而罪囚之窮兇極惡者莫如強盜茲嚴謹之令誨誨告誡非不懇切乃太湖縣印捕官假令滋奸致使獄囚越出者十有二名雖已擊獲胡以華等六名尚有餘犯陳

祖等五名竊盜錢虎生一名未獲此雖變起
不虞亦由防疎平日所據失事各官法應叅
處叅照太湖縣知縣胡士章身綰銅符法疎
犴狴雖變生于公出之日實防弛于未然之
前即擬調用亦不為過但越獄之後旋即追
獲六名止六名未獲而六名之內又有竊盜
一名實止強犯五名擬調于例未合例稱公
事他出者減見在主守之人罪一等本官又
應末減所當罰治原任太湖縣巡捕縣丞今

陞貴州安莊衛經歷鄧全介防閑既迫于平日檢點復忽于臨時疎玩殊甚罪實難逭雖經報陞尚在地方且知縣公出守護巡邏以身兼之罪將誰諉仍應以原官調任安慶府知府趙世徵職專師帥固難辭責第方于是日莅任尚未視事情有可原應從免議總捕同知許應玄才疎隄防慮乏周察罪亦難逃但去縣甚遠鞭難及腹相應重罰署徽寧兵備道事徽州府知府梁應澤駐劄不係同城

失事又止一次且經陞任應免叅罰其未獲強犯陳祖等五名竊盜錢序生一名仍容臣等督捕正法庶法紀振而群工知警矣伏乞勅下都察院覆議

上請行臣等遵奉施行緣係盜犯越獄謹據實查叅疎虞有司以振法紀事理未敢擅便為此具本專差

齋捧謹題請

旨

考選軍政官自疏

為考選軍政官事萬曆三十三年五月十七日准兵部咨該本部題看督兩京兩府及在外各衛所軍政官自五年一次考選通行各處無接衙門符應該考選官自預先博采賢否秉公考選畢日造冊

奏繳案查先准本部咨為恭奉嚴陳愚悃以裨戎務事該巡視京營科道官傅學鵬等條陳一款復

宜慎重臣唯是兢兢不敢怠忽既據各道之
開報復加以臣之詳覈始而閱其村貌已而
較其時射已而又考其輜器至再至三其難
其慎雖不敢謂至當亦庶幾竊信至公除將
考選過蘇州鎮江新安九江等衛所官負造
冊另行

奏繳外謹會同巡按直隸監察御史楊廷筠訪
得見任川沙把總戴天錫斗筲之器市井之
心防海不聞片長念念囊橐之計納賄尤多

穢跡處處怨咨之聲近據道府之開報有謂
其沙民弓九江裝載建饘遭颶者淺縱家奴
戴恩及兵朱全功等搶掠一空者有謂其散
客何美李繼塘閣淺被搶赴告本官嚇稱作
盜得銀二十兩方釋者有謂本官遊巡寶山
等營嗔營兵近送不遠屬唐紹樓徧索各兵
銀三錢方免搥打者有謂嚇騙上海解戶銀
十二兩方免深米篩揚已而放糧每包又扣
五升營兵朱萬春等怨嗟者有謂召募百長

例銀每名銀十兩隊長每名銀五兩散兵每名銀二兩不論力技但有銀則收無銀則退者有謂令家奴戴壽裝載鎮江壩酒掙派各兵每斤扣銀一分者有謂妄拿捕快張禎顧經等作賊張禎等出牌付看不准各得銀三兩方行釋放者有謂點撥守墩軍但得銀三兩即改遠墩就近者據所開報噴有煩言然此武夫貧鄙不足深異獨可異者海賊劫掠顧汝綸家賊止三十餘人耳本官所統兵不

下七百餘名非勢不相當也豈惟相當且不
當倍之乃賊登岸既充耳不聞賊久駐又束
手無策竟不能一矢相加惟見四面乞救張
皇失措之狀可哂窘辱退縮之態堪羞然此
武弁庸劣不足深責最可恨者當霜降祭旗
之日哨長徐龍緣事青衣請假本官怒其不
祥重笞之已而遷怒於一哨即詰主小過無
不被笞者以故各兵闕然而起一路噪呼反
戈相向使非哨官姜宗尚直前救護本官幾

且不免夫咎責亦軍前常事非有大不堪
情各兵何遽噪呼至此已而細訪之乃知
官近九月放糧每名扣銀一錢共計得銀
十餘兩又傾銷低銀倒換每包五分共得銀
三十三兩又指稱海防廳并叅將經過每兵
科銀一錢共得銀六十餘兩其他科剋種種
已詳各兵冤帖中難以盡述夫惟廉生威惟
貪召侮本官以貪婪之性馭驕悍之兵積忿
含怨平日既已離心乘間竊發又何怪乎一

朝攘臂幾釀地方之變莫止脫巾之呼屢
圖山把總今陞柳桂守備劉京孳孳為利
碌無能在任已有煩言去後益彰穢跡查點
船兵每船給單一紙即單註不到者出銀三
錢免責是以查點為科歛之媒召募新兵於
歛新兵銀三十兩已而解道不中前銀即積
匿不還是以召募為囊橐之計放糧則索常
例每名銀五分所管營兵八百名計每歲共
得銀一百餘兩哨長朱湖等則其歛送之人

也補兵則索見面每兵銀一兩補過兵六十
名計到任共得銀六十餘兩隊長錢高等則
其過送之人也哨官李賢捉獲盜徒趙丁三
王松等已而得銀三十兩釋放哨兵劉子龍
捉獲盜拐陳天爵及王氏等已而得銀二十
兩釋放此之謂縱盜猶可言也至於啖盜趙
四郎等拷攀富民趙東十八得銀六十兩方
釋啖盜楊蘭許守高拷攀倡婦徐四兒得銀
八兩方釋此之謂治盜而為盜不可言也播

糠及米失火殃魚雞犬因之不寧玉石為之
俱燼叅照得川沙把總戴天錫貪殘而少恩
徧暗而多怨納賄營私已非一端激衆憤事
幾成大變原任園山把總今陞柳桂守備劉
京犬馬之齒已長豺狼之慾難饜剝軍去後
有聲沿旅軍前無策此二臣者均當革任回
衛以警官邪者也再照川沙地方係海防極
衝十月小汛勢難缺人况軍士懷疑偏語不
定臣已牌委原任益城守備張守爵暫署其

事和輯其衆本官臣先委太倉總練見其實
心實事有守有為萑苻無警軍民感服與其
用於耳聞孰若得於目擊遺下川沙把總員
缺合無就近將張守爵陞補庶將領得人而
海邦有賴矣伏乞

勅下兵部再加查議覆

請行臣等遵奉施行緣係考選軍政官員事理未
敢擅便為此具本專差

齋捧謹

題請

音

調補坐營將領疏

為調補坐營將領以全器使以重海防事據
蘇松兵備兼糧儲水利右叅政楊洵呈奉臣
批據坐營遊擊姜良棟呈稱切照卑職身入
戎行徧歷九邊東征西討至萬曆二十五年
始授

欽依招撫海嶼把總後改東征守備航海外藩未
霑功典至三十年叨補坐營題陞今職晝則
訓練武藝夜則督兵遊巡以故三年之內幸

保地方盜息民安不意微軀緣以勤動衛寒
冒暑耗血損心感成怔忡兼以脾胃不調時
常舉發近日頭目眩暈藥餌無功兼之屢詰
總練官買糧剝軍致有讎嫌任重怨深尤宜
亟退伏乞憐念勞臣苦馬委官署事交割

勅旗回籍調理等因到道奉此隨行蘇州府查勘
去後今據該府知府李右諫勘詳前來該本
道看得坐營遊擊姜良棟奮跡戎行躬親矢
石窮歷邊疆練達營務及管標下中軍勞績

允多一切部署行伍巡防信地皆能仰承
令不但矢公矢慎更能任怨任勞是以士卒
用命盜賊潛踪兩年以來地方安枕已有成
效惟是自任允直每事摘發遂致人情惶懼
謗毀交集本官所以不得已而以病乞歸情
亦苦矣但地方既不相宜則凡事自難展布
而本官素諳邊方似應量從調用合無請乞
俯將本官題

請別調竟其生平仍念蘇城重地目今秋盡冬及

防禦尤為喫緊另選堪任者一員併行題

請速令到任管事庶本官得以自效而重地亦不

致久虛矣等因到臣據此該臣會同巡按直

隸監察御史楊廷筠看得坐營遊擊內之傳

宣號令外之調劑羣情必使衆寡大小毫無

猜疑而後行止進退動無窒礙乃坐營遊擊

姜良棟事有擔當不辭勞怨三載功多捕盜

四境宴然不驚臣實器之但直腸易發不能

容人任久生忌遂滋多口即今左右前後既

非同心則施為措注必多掣肘若復久留此
地誠恐別生事端雖曰借重更非曲全况本
官東征效有功勞九邊尤其諳練似難聽其
以疾而去尚當用盡其長既經該道議詳前
來相應

請伊乞

俯念邊海重地

勅下兵部覆議

上請將遊擊姜良棟改調邊陲要地以盡其用遺

下坐營負缺臣查得原任副將吳惟忠身經百戰氣雄萬夫雖投閑而不忘畧革之忠倘起家可卜橫海之績所遺負缺或以叅將署遊擊事令奉官補之雖本官原係副將不無少貶然人臣苟可效忠何難自屈又不然者原任叅將藍芳威力能扛鼎氣欲成虹鷹揚虎視之姿水斷陸剽之器竄頗相當亦堪起補此二臣者雖曾受三至之言終難為二卵之棄如果巨等所言不謬并

勅該部覆議一頁

上請速賜除補廩將領獲器使之能邊海享寧靜
之福矣緣係調補坐營將領以全器使以重
海防事理未敢擅便為此具本專差

齋捧謹題請

奇

倭警屢聞申飭防禦事宜疏

為倭警屢聞隄備宜預申飭防禦事宜以裕
安攘事准兵部咨該本部題前事合無以後
沿海腹裏地方許各該督撫等官每遇大小
兩汛完日逐一體訪查照九邊事例於歲終
將大小將領分別臧否疏

請定奪如其果賢從公議留如其不肖據法議斥
如其人地或不相宜不妨議調通行各省直
一體遵奉施行等因奉

聖旨是沿海近多警報着通行申飭戒備不許怠

誤欽此欽遵備咨前來隨經案行蘇常二道遵

照例防查覈開報去後續據蘇松兵備右叅政楊洵常鎮兵備右叅政蔡獻臣將查訪過大小將領等官賢否開造文冊呈送到臣據此該臣會同巡按直隸監察御史馬從聘看得三吳之地三面阻海剝膚島夾兼之海島寇縱橫為地方隱憂不可旦夕忘備該臣等節行蘇常二道江南副總兵嚴督叅遊守把

等官整朔兵馬修理船器各照依原分信地
出洋哨禦務保無虞今仰仗

天威兩汛無警大小將領之勞有足多者既經各
道查來又該臣等覆覈無異相應分別舉刺
以俟去留如江南副總兵侯國弼臨機慎重
慮事安詳恩信大孚軍心脩守足振玩習金
山叅將鄭印持心澹泊無營治旅振揚不懈
才堪集事恩能恤軍永生洲叅將張士俊魁
岸有儀深沉多畧督捕能擒巨盜修守雅得

先防坐營遊擊姜良棟兵機諳練營務修明
拜盜獨慎隄防馭兵甚能優恤宗明把總梁
材博雅能文沉雄多筭堪寄三軍之命足稱
八面之村福山把總程雲兵機海防最熟天
文地理周知訓義旅難於撼山擒海寇易如
拉朽楊舍守備袁時隆騎射精閑機宜曉暢
即經歲而烽烟無警知頻年之整頓多勞圖
山把總程大受持已能屬標修馭下不為剝
削應是干城之器可叅帷幄之籌遊兵把總

祝梓壽丰神爽健知慮周詳幹濟素著能聲
操持尤無俗態陸營把總孫安國才猷駿發
氣度驍雄防海亟收保障之謨宣令最得安
靜之體以上諸臣皆一時將材之良內侯國
弼維經報陸尚未離任地方之保留甚衆軍
吏之攀卧末由儻蒙久任以盡其長將使海
邦實受其福守備衰時隆初據各處開報稍
有雌黃已而察之知為同官所忌乃知武弁
之交惡慘於戈矛積毀之難明甚於蕙以使

非徐察於三至之言幾為二卵之棄大都本
官與程雲梁材俱為守把中之錚錚者將材
實難海防最重此三臣者在地方已久海務
周知倘將三人加銜久任不惟人地相宜庶
幾緩急有賴又訪得柘林把總劉兆箕才本
疎庸事多闕茸與士卒猫鼠同眠全無約束
縱門役狐假生事大壞關防有謂其發銀三
十兩令家人劉世三擅用唬船販鹽被捕軍
譚南等獲解金山衛本官移書求免者有謂

其大夥強盜施懋官等海洋邀劫福建商人
曹望船貨該營張百戶拏解本官得懋官重
賄竟自釋放者有謂其舍餘張大任見商船
飄泊海岸乘搶貨物地方許景芳等具呈本
官反責景芳三十並不查究者有謂其該營
塘報鍾崙獲解違禁下海船械呈解本官隨
報該叅後以船戶陳敏陳回營求遂為延推
解釋者有謂其每遇放糧聽憑管班童戍等
派發每兵每月糧銀皆輕五六分本官付之

不知者有謂其奉禁戰兵不許充當書記本
官受兵金繼祖何幸顯等每名常例充收前
役坐糜糧餉被兵陳漢訐告奏證者有謂其
修理衙門原有額編銀兩聽憑門書郭本長
稟科派各隊長每名出五兩代為修葺兵甚
怨苦者此一臣者碌碌無為營營求免調之
簡僻或可藏拙寄之邊海難望樹功所當量
調腹衷以全器使者也遺下負缺查有鎮海
衛千戶陸韜發自武科雅閑將略三年功多

弭盜一廉充自超群相應陸補再照三吳之
地昔者患倭今且患盜倭之防也有時盜之
防也無時故患倭者患聲而患盜者且患形
矣萌芽不剪將成斧柯臣竊憂之

朝庭每歲不安金鼓數十萬以養將士將以驅
虎豹殺鯨魚而不能禁蚊虻之嗜噬此其故
可知也蓋將領工績刻而鮮實心軍兵多役
占而鮮實用臣竊不自揣大加綜覈廣為按
羅以故三吳奇材劍客遺棄將領稍稍有應

者惟是此輩談兵說劍多憑舌端而較材量
藝當驗行事故臣各試之以事仍與之約一
切殿最視獲盜之多寡俟有成效容不時薦
拔以鼓蒙傑之氣而開其功名之路庶將領
之器用各盡邊海之防禦有資亦安內攘外
之一策也伏乞

勅下兵部再查議覆

請將侯國弼等或加銜久任或循資陞擢將劉兆
其量調簡僻仍懇再

賜中飭以後防汛防倭當與防盜並重或獲大盜
五名准倭訪一級庶人心競勸而海氛寧息
矣緣係倭警屢聞隄備宜預申飭防禦事宜
以裕安攘事理未敢擅便為此具本專差

齋捧謹題請

旨

倭警屢聞申飭防禦事宜疏

為倭警屢聞隄備宜預申飭防禦事宜以裕
安撫事准兵部咨該本部題前事合無以後
沿海腹裡地方許各該督撫等官每遇大小
兩汛完日逐一體訪查照九邊事例於歲終
將大小將領各別減否疏

請定奪如其果賢從公議當如其不肖據法議斥
如其人地或不相宜不妨議調通行各省直
一體遵奉施行等因奉

聖旨是沿海近多警報著通行申飭戒備不許怠
誤欽此欽遵備咨前來隨經案行蘇常二道遵
照分防查覈開報去後續據蘇松兵備右叅
政楊洵常鎮兵備右叅政蔡獻臣將查訪冊
大小將領等官賢否開造文冊呈送到臣據
此該臣會同巡撫直隸監察御史楊廷筠看
得三吳之池三面阻海剝膚島夷之海寇
縱橫為地方隱憂不可旦夕忘備該臣等節
行蘇常二道江南副總兵嚴督叅將守把等

官整調兵馬修理船器各照依原分信地出
洋賞犒各保無虞今仰仗

天威兩派無警大小將領之勞有足多者既經各
道查奏又該臣等覆覈無異相應分別舉刺
以獎奮勇如江南副總兵李光先視躬膺飲
冰奮怒之師取下有挾纜投膠之風塞北威
名江南保薛分守金山叅將鄭印厲揚遠志
席視雄姿曾放羽而先三軍遂中宵而擒巨
寇劉河將擊徐守貞意氣激昂兵機曉暢持

身絕無脂韋遇事雅有擔當福山守備程雲
文能冲檄武足揮戈養士有絕甘不少之風
擒寇得綱戶徹桑之策楊舍都司表時隆騰
氣驍雄儀容壯偉素負寡旗之勇時懷裏革
之忠栢林把總陸韜材勇人所時有清操獨
其所難雅有廉將之風能得死士之力川沙
把總張守爵一清如檠九天穿揚振刷一洗
陋規指顧能消反側戢兵把總祝梓壽弁冠
而無俗態袷服而有雄心可稱百練之才堪

寄三軍之命圖山把總程大受恂恂雅度翼
翼小心有教詩悅禮之風乃固圉寧民之器
崇明把總莊應魁技能破的才可即戎防汛
能慎隄防取卒雅嚴紀律以上諸臣皆一時
將材之良尚張守爵莊應魁到任惟浚均自
臣屬陸調所當併叙留用者也又訪得吳淞
陸營把總孫安國變刃如鬼彌縫前神以捕
盜張仕進等為腹心聽從撥置用哨官陳惟
信百長蔣惟勳等為耳目任其橫行見面有

例營官六員每員銀十兩哨官二十員每員銀五兩營官陸乘龍徐信等交付有據新補亦有例哨官補一員銀十五兩新兵補一名銀三兩什長補一名銀五兩隊長補一名銀八兩百長補一名銀十兩哨官張思恩何子龍等被騙不堪汰革老弱每名索銀五兩有以即女弱不必汰無銀即壯健不必留以致陸兵祿四等詭毆公署幾成蕩覆營官到任每員索禮銀五十兩如數方許入城又如

數不許入城以致營官路萬里晏恩等甫任
被革俱向倒贓借口放班名曰休兵實在剋
糧去則口糧截扣回則土儀如婦年約計得
銀二三百兩俱親信趙可久樓學文為之過
送指稱餽送名曰公禮實入私囊兵目每名
科一兩散兵每名科五錢年計約得銀三四
百金俱用享潘元貢世華鄔雲龍為之誅求
冒糧則編等孫柱國得以掛名家人孫益孫
勝亦得掛名甚至繡戶顧忠等戲子孫心揚

等不下二十餘名俱得掛名軍興之資半入
奸橐索賄則生日謝汎有取出海散糧有取
甚至僧人無量徹空等亦網打索取無厭之
求不遺錙銖內則門客陸後素為之謀主生
事害人以致哨官張應尚坐贓問罪至今卷
証外則棍徒任遜高等為之鷹犬說事過贓
以致施秀才告訐至今未結自知人與之讐
非力士鄔應龍等不敢出可知衆怨已深乎
主鑽刺甚工頃屬親識周景識鑽刺敗露藉

重贖俸免死會武弁所時有乃因貧致捕盜
陳龍死於非命豈其妻見今行乞是可忍孰
不可忍淫亦武弁所時有乃因淫娶妓馬琉
璃女馬氏逐其妻另居是可為執不可為最
可恨者近捕獲巨盜余國用等一夥招共十
六人大半出其部兵使本官出於不知則是
敝筭防魚罪在紀律不嚴猶可言也若知而
故縱之則是縱虎出柙此其罪可勝誅哉以
故軍中有孫飛虎之號聞者寒心道路有張

口津 卷之二
士貴之稱見者彈指此一官者容歲以其防
汛無誤議留不虞其改節敗行一至於此所
當亟行革任回衛者也伏乞

勅下兵部再加查議覆

請如果臣等所言不謬將總兵等官李光先等照
舊留用把總孫安國革任回衛廢武弁知警
而海氛寧息矣緣係倭警屢聞隄備宜預申
飭防禦事宜以裕安攘事理未敢擅便為此
具本專差

齋捧謹題請

音

子
可
庚
書

教
五

三